



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 212





Copey aines schreibens


der Riccerschaffe/Edlen/bnnd Scecc/in Holland/in namen bnnd bon wegen der Stende derselben Candeschaffe/Alndie Herren/welche das ampt aller Scend der Niderland tragen: Sie darmnen bermanenc/das sie ainhelliglich (der Kö=niglichen Day. bon Spannien zu gu=tem) dieselbige Cand/aus des Hertzogen bon Alba/bnnd seiner Spanniart ge=walt bnnd Tiranney/widerumb zu

wait villio Liranney/widerumd su see Broger alten Wolfare and Zfrei=
beit helffen bringen.

Dfalm. 10.

SERR/ warumb trittestu so ferne? Verbirgest dich zur zeit der not? Weil der Gottlose vbermut treibet/mus der Elende leis den/Sie hengen sich an einander/vnd erdencken bose tück/26.

M. D. LXXIII.



212

## Der 52. Pfalm.

Mas trokestu denn du Tyrann/das du fanst schaden thune Co doch Bottes Bute noch teglich wehret.

Deine zunge trachtet nach schaden/Ond schneit mit lugen/wie ein

scharpff Schermeffer.

Du redest lieber boses denn gutes/Ond falsch denn recht/Sela. Du redest gern alles was zu verderben dienet/Mit falscher zunge. Darumb wird dich Gott auch gang vnnd gar gerftoren/vnnd gers

fclagen/Onnd auß der Butten reiffen/ond auß dem Lande der Lebens digen außrotten/Gela.

Ond die Gerechten werdens sehen/vnd sich fürchten/Ond werden

fein lachen.

Sibe/Das ist der Man/der Gott nicht für seinen trost hielt/Sona der verließ sich auff seinen groffen reichthumb/vnnd war mechtig schas den zu thun.

Ich aber werde bleiben/wie ein gruner Olbaum im hause Gottes/

Verlaffe mich auff Bottes gute immer und ewigelich.

Ich dancte dir ewigtlich/denn du fanfte wol machen/vnd wil hare ren auff deinen Mamen/Denn deine Beiligen haben freude dran.

130

vie ein

D SCEN

ebens

erden

3ons

(das

ttes/

bare

la. unaê. Olgeborne/Edle/

Geftrenge/Hochgelerte/Fürs
Gerren/Freund vnd Mittbrüder/10. Demnach
wir in erfarung gebracht haben/ Das der Herhog
von Alba abermalen alle Stende difer Niderland
in gemain (vmb von denselben geldt vn andere Notturfft/ Zuvolfürung dieses gegenwertigen Kriegs

zubegeren) zusamen beruffen hat.

So können wir auß schuldiger pflicht/darmit wir unserm gemeinen Vaterlandt verbunden sind/Ewer Liebden mit gegenwertigem Brieff zuersuchen nit umbgehen/Ungezweiselter guter zuuersicht/es werde E. L. sölchen unsern bericht/und getrewen rathe (welche wir auß teglicher er farung mit grund fürbringen) zuuernemen unnd anzuhören/keines wegs zuwider sein. Dan ob wol wir durch widers wertigkeit der zeit/ un sonderlich durch verbitterden haß/mißgunst un widerwillen/etlicher einer fremb den Nation/jetzo von einander abgesondert/unnd durch derselben böse/listige/ und falsche Practicen/wider unsern willen/in gegenwertigen Krieg und vnruhe

vnruhe geraten sind: So verhoffen wir doch vnges zweiffelt/das E.L. auß angeborner liebe vnd natur licher verwandtnuß her des Vatterlandts/nimermehr in vergessenheit stellen werden konnen / Der gutwilligkeit/freundschafft/auch hertzlichen trewe/ die wir vor dieser zeit je vnd allwegen gegen einander getragen/vnd auch mit den wercken geleistet has ben/wie wir dann solches vor Gott und aller Welt zuthun schuldig gewest/ Bnd wir vnfers thails gegen euch noch mit allem guten willen gantz berait vund wolgenaigt sind. Souil destomehr tragen wir discs gut vertrawen zu euch / ir werdet diese vn sere trespherkige ermanung/one allen verdruß oder widerwillen von vns auffnemen vnnd verstehen/ und mit aller billigfeit und warheit erwegen und be den den /das (wie es dann im grund also ist) wir feinen frieg gegen einander füren/ dieweil wir des fein vrsach haben / vnd keiner niemaln/so in kleinem als in grossem gegen dem andern etwas mißhandlet oder gethan hat / Sondern aller difer zwitrag vnd Krieg/allein wider die jet Regierende frembde Nation sich erholt/welche wir allesampt fur dieser zeit (als diesen algemeinen Landen zum höchsten schedlich vnd verderblich) einhellig abgehalten/vnd feines wegs geduldet haben. Nun ist es je war/vnd gnugsam vor augen / das diese jezige frembde Regenten

genten / im falschen fürgeben vnd erdichtem schein) mit welchem sie den namen der Königlichen Man. onsers Gnedigsten Herren/onnd der Religion/zu irem fürnemen höchlich mißbrauchen / E. L. wider ons so fern auffgebracht haben / das sie ewer geldt vnd gut/Za ewere leib vnnd leben/zu vnferer vertil. gung vnd gentslicher verderbung gebrauchen/vnnd sich dadurch Heren und Regenten/nicht allein vber vns/sondern auch vber euch vnnd alle ewere Erben unnd nachkommen inn ewige zeit zu machen/vnter=

stehen.

ges

tůr

ers

der

ve/

ins

103

elt

160

rit

en

111

er

1/

oe

nst

Manliset in der Romer Historien/das/da das Volck zu Rom inn der Stadt durch einen schweren streit dertheilt war / vnd der Adel gegen dem gemeinen Volck so gespannen stunden/das der eine theil ausser der Stadt auff einen Berg gewichen war/ und lieber den gemeinen feindeinfallen lassen/ denn das sie fortan mit einander einig gemeinschafft has ben wolten / Dahabeinen Menenius Agrippa ein solches Exempel fürgehalten: Das auffein zeit die Glieder des Menschlichen leibs inn einen mißuerstand und harten streit gegeneinander kommen mas ren/Allso das die hend vnd füß / desgleichen alle ans dere eufferliche glieder beschlossen und resoluirt hatten / den leidigen Bauch mit schwerer saurer arbeit nit mehr lenger zuspeisen / dardurch dann geschahe ond ers

vnderuolgte / das da der Bauch kein narung mehr bekame vnnd gant krafftloß worden / das auch der ganțe Leib geschwecht was / Also das weder hend noch füß kein arbeit mehr thun kundten/sind sie auß not gezwungen worden/sich sembtlich widerumb vn tereinander zuuersonen/damit wann sie alle zusas men einig/der ganke Leichnam zugleich wiehieuor/ widerumb gespeist im leben onderhalten kondte wer den. Danun diß gleichnus vom Römischen volck gehört wurde/haben sie sich also bald one weitern rath vereiniget/Ind als sie mit dem Adel versonet/ sind sie widerumb in die Statt kommen/ vnd haben einhelliglich und zugleich die waffen wider iren allgemeinen Feind in die Hend genommen/vnd ine nit allein auß iren gränzen vertrieben / sonder auch ir Statt mit derzeit zu solcher hoheit /macht/vñauff. nemen gebracht / darinnen sie nicht wenige hundert jar/für alle andere Stett/gegrünet haben. So dann geliebte Mittbrüder/diß Volck von Rom guten sug vnd recht gehabt/ vnd ist inen wol ergangen/ de sie durch diß exempel vom Menenio Agrippa sich sambtlich inn ein starcke verbundtnus vereiniget/ Wienil mehr befügte vrsachen haben wir / vns ein= helliglich mit einander zuuerbinden/vund einander (wider vnfere allgemeine feind vnnd veruolger) mit allem gewalt die hend zureichen/inen widerstanden/dica

den/dieselbige auch genhlich auß vnsern Landen ver treiben/vnd die Land widerumb in ire alte flor/freiheit/wolfart/vnd alten Stand (darinnen sie zuwor inn zeit vnserer eintrechtigkeit/ so lange Jar gewest sind) bringen

Dann wir haben je feiner dem andern leids gethan / vnnd tragen noch (Gott lob) feinen billichen haß noch feindschafft gegeneinander/darumbn wir ons von einandern solten oder wolten scheiden oder absondern/wie die von Romgethan haben. " Und sind im grund vnnd in der warheit dieser auffruhr/ emporung/vnd gefasten waffen/allein vnd die einis ge vrsächer die Spanniart/ so sich in diesen Landen. befinde/Die/welche(wiewol deren vil/ja der mehrrer theil eines geringen und schlechten herkommens find) fich so vbermessig erheben/vnd mit dem Reichtumb difer Lande/fo gros und brechtig machen/das sie auch allbereit mit irem hoffertigen vnnd stolken mutwillen/vns alle in armut zubringen/vnnd ires gefallens mit Blutdurst vber vns zuherschen sich ondersteen/Za alle onsere Güter/ ond den schwaiß vnsers angesichts/mit allem dem das vnsere Voreltere vnnd wir/mit bitterer faurer arbeit hertiglich bekomen/zu irem wollust/pracht und unnüglichem verschwenden/mißbrauchen/Javns vnsere weiber und kinder/ vn alles was wir von Gott dem Herrn liebs

ht ev

10

16

liebs vnd werths in dieser Weld haben/inen leibels gen / vnd vns zu Sclauen vnnd vnwiderbringliche dienstbarkeit / vnterwirffig zumachen / inn vollem

werck seind.

Und das noch am maisten und zum aller hoch. sten beschwerlich ist/wollen sie auch onserer Geelen vnd gewissens/rechenschafft von vns haben / vnnd auch nach irem gutduncken darüber herischen/ Da doch schwerlich ainer onter ihnen allen waist / ob auch ein Gott im Himelist/ vnnd auch jemallen ein einig wort von dem Sone Gottes Jesu Christo vnserm ainigen seligmacher gehört noch gelesen hat/ wöllen also vnsern Glauben vnd Religion fres ges fallens maistern/vnd onter disem Deckmantel ons onter je inquisition tringen/die doch allain wider die getauffte Juden und verlaugnete Christen in Spanien angericht ist/vnd gebraucht wirdet/re. vnd mit vñ vnter disem schein sie doch nichts anders suchen/ dann vns von allen vnsern Privilegien/Frenheiten/vnd alten herkommen (die vnfere Voieltere mit irer arbeit/fleiß/vnnd getrewem dienst/ja mit frem gut vnd blut erworben / vnnd hinter inen verlassen haben) zuuerstossen/vnd vns derselben zuberauben.

Das wir aber solches nit leiden noch gedulden kinden/sondern es vil lieber biß auff den letzten mañ wagen vand setzen/ehe vand wir von vaserer alten

Regierung/

fv

te

01

Regierung/vnter vnferm Allergenedigsten Herren dem König von Spannien / vnferm rechten vnnd natürlichen Grauen von Holland / der vns die vorbemelte Privilegia/freiheiten/vnd alte herfommen ganh würdigslich geschworen hat / abstehen wöllen / So vnterstehet sieh der Herkog von Alba mit seinem anhang/euch zu bereden / das wir vns gegen vn wider vnsern König auffgeworffen haben / vnd euch vahin zuweisen vnnd anzureihen / das ihr euch von vns ewern natürlichen vnd gebornen Landsleuten vnd mitbrüdern abscheiden / vnnd euch zu Dienern ires großen mutwillens / vnd eussersten Erecutorn vnd Nachrichtern irer rachgirigseit vnd vorstehender irer vnbesügten vorhaben / zugebrauchen.

Derowegen und darumb geliebte mitbrüder/
fo wöllet doch umb Gottes willen die sachen mit
gankemernst erwegen/ vnnd euch zuwor wol bedencken/ehe und ir euch noch tiesser unter sein Tirannen begebt / oder im das senige/ so er euch in künstiger versamlung fürhalten / vnnd an euch begeren
würdet/bewilligend. Last euch doch mit seinen glaten und heelen worten nicht sahen / vnnd mit seinen
verborgnen listen nicht plenden / noch den verstand
und vernunsst nit so gar benemen. Ir seit die Stend
diser Land / das ist/Vorsteer unnd Beschirmer irer
Frenheit und Priuslegsen / welche ir auch vor Gott

·lo

he

m

50

en 1d

)a

111

10

t/

Câ

8

ie

to it

1/10

it

bud der Welt/vnd ben vernteidung des Mainaids/ zubeschützen und zuhandhaben/ schuldig seit/dann ir habt solches zuthon den Landen gelobt unnd geschworen. Wie ir auch darumben auß allen Stetten Deputiert und erwehlet seid worden/damit ain ieder sein Statt/und ir all samptlich unnd mit einander dem gantzen Land helsset vorstehen/und gegen allen den jenigen/die inen laids thon/oder vbels zufügen wolten/zubeschützen und zuuertheidingen.

Darumben hat auch vnser Genedigster Herr der Künig/als ain Hörkog von Braband vn Geldern/Graue von Flandern/Holland/Geeland/Hennegaw/Arthons/1c. mit aller Reuerentzu Gott dem Almechtigen geschworen/das er vns ben allen vnsern Privilegien/Frenheiten/Rechten/vn herfommen/vnuermindert vnd vnuerkert bleiben wölle lassen/vnd dieselbigen in allen iren Puncten

onterhalten.

Auff solche zusagen und versprechen/habt st ine im namen der Stette und der ganken Gemainde/zu unserm natürlichen Herin/vnd genedigsten beschirmer vn Vorsteher angenommen/Also das ir ewers Volcks/so wol als auch der König selbs/nit mechtig seit/Vn im fall/dz der König (deß wir uns doch kaines wegs versehen) wider seinen Aid thon/vnnd wider unsere geschwozne Privilegia was fürnemen wolte/

ds/ann

geo

ain

ein-

3 3 U-

derr

Belo ind/

ß zu ben

/vñ

iben

r ine

chir-

vers

doch

men olte/ molte/so entliesse er euch selber / vnd ainen seden besonder/seiner Pflicht vnnd schuldigen dienst / vnnd
würden mit ainem mal für allwegen ipso facto mit
der that/cassiert vñ zu nichten gemacht/alle Obrigkeiten vnd Amptleut/welche den selben Privilegien
zu wider oder zu nachtheil (in was gestalt das auch
aeschehe)eingesett oder angenommen werden.

Bie soltet str dann nun zusehen können/das ain Hörkog von Alba / oder ain anderer Spanniart/ der von unsers natürlichen Herrn geblüt/noch herskommen nit ist / noch mit disen Landen kain gemains schafft haben kan/sich unterfangen wolte/ nicht allein alle Landrecht/Privilegien / vnnd Frenheiten/ nach seinem mutwillen zu nichten zumachen/Sondern ewer Namen und Authoritet (die doch vor zeisten ben allen unsern Fürsten und natürlichen Herren/den Hörkogen von Burgund und Braband/ Grauen von Flandern unnd Holland / inn großen ehren und Reputation gehalten sind worden) zu seis wer unmenschlichen Tirannen unnd mutwillen zus mißbrauchen.

Die hochlöbliche Vorsahren der Küniglichen Maie. vnsers aller Gnedigsten Herren / haben ohne der Stend Rath vnnd ansinnen nie kain Krieg gefürt / noch Friden gemacht / ja auch kain Münkgeschlagen / noch auß inen selbs dem Volck

oder

oder Unterthonen kain Stewer auffgelegt/ja one irer/der Stende/wissen vnnd verwilligung nichts gethon/vnnd haben solchem allem nachzukommen selber geschwozen/Welches auch von Kanser Carolo/hochlöblichster gedechtnuß/vnnd vnserm jezisten König selber/mit irer, Maie. Aid in ewere hend also beuestiget/vnd mit der that auch sehr steissig vnsterhalten worden ist.

ne

er

Q

61

Di

al

ge

11

ge

T Tue

u

jr

nem/

Nun schen aber E. L. das diser frembde Enrann/ der euch weder wenig noch vil angehet / Euch vnnd ewerm Volck solchen vberlast/steuren / vnnd vbertrang von Krieg vnd Kriegsleuten zu aller Tirannen vnnd vntertruckung / nach seinem lust / willen/ vnd seines gefallens/auff den halß legen will/Wie werdet ir solches gegen Gott vnd redlichen Leuten/

(soir solchem zusehet) verantworten kinnen?

Ind were wol größlich zuverwundern / vnnd höchlich zubeklagen/das onter euch allen/ vnnd im ganken Land/onter so vil Herren vn großem Abel/ die von so ehrlichen Stammen herkommen vnd geboren sind / doch nicht ainer allein sein solte/ der ain Mannlich hertz im leib hette/vn dises Spannischen Lirannen/ vbermut vnd frechheit nicht solte dörsten widerstand thun/ Unnd das ir alle zumal Knecht/ vnnd gleich seine Leibaigne sein soltet/ die anderst nichts dann was sme gleich wol gefellig vnd ange-

nem/sagen oder reden dörssen / Sonderlich dieweit er durch sein vbermessigen stolk vnnd vbermut / die Wolgeborne/Edle/ vnd Hochlöbliche Herren von Egmont vnd Horn/ vmbgebracht / vnnd das Edle blut (welches sie inn des Königs vnd Vatterlands diensten/ zu bewarung irer vnd ewer aller wolfart/ alle zeit williglich vnd miltiglich gegen den Feinden gewagt haben) also jämmerlich vergossen / vnd sich nit geschämbt hat/vor ewern Augen/vnnd inn ewer gegenwertigseit/ mit seinem blutdurstigen schwert/ solches zusaussen/vnnd von ainer Brucken sürsen zulassen/vnd auch so vil vnschuldiger vnd frommer Leut blut / von so manigem des besten Adels im Land/vnd so fürnemen vnd tressenlichen Burgern vnd Inwonern allerlen Stands vnd qualitet/zu- uergiessen.

Und ober solches/auch die andere fromme vnd

Und ober solches/auch die andere fromme ond Edle Fürsten/Grauen/Herrn/Edelleut ond Burger/in onzalbarlicher menge/auß dem Land vertrisben ond versagt hat/Allain deßhalben ond darummen/das sie/gleich wie wir/ond auch ir / ime widersprochen haben/vägesinnet gewesen/dise Land von der Spannischen Inquisition zubesrenen / vnnd inn iren alten gerechtigseiten / löblichen Privilegien/ vnd gebreuchen (zu ehre vnd dienst der Königlichen Maie, vnsers aller genedigsten Herrn) zuerhalten.

Und

one

hts

ren Sa=

Bie

end

one

111/

ind

era

3110

en/ Bie

en/

du

im

rel/

ge=

un

)en feu

ht/

rft

Ace

111/

Und ob wol durch solchen gewalt und grausants heit der Inquisition, der Hörkog von Alba verhofft hat/solche forcht und schrecken unter alle menschen zumachen/damit er fortan seines lusts und gefallens allein mit den seinen regieren/und alle sachen/und den ganzen Stand diser Land/zu seinem maissten nutz und wolgefallen anrichten unnd verkeren kündte.

Go versehen wir vns dannocht nit/das die hers
hen vnnd gemüter/von all den noch vbergeplibnen/
also gar eingenommen vnd verkert sepen/vnd kaine Herrn/Edle/Oberkaiten/oder Burgere (die auß natürlicher angeborner liebe deß Vatterlands/ dasselbige/vnd die Innwohner/vor solcher Räthe vorhaben vnd Regierung/sonderlich wie dasselbige diser zeit ben vns allberait mit allem gewalt im gang ist / zuretten vnd zubeschirmen) sich besinden vnd erzaigen solten.

Liebe Herren/jr secht wie dise klaine Prouintz von Holland sich erhelt/vnnd wie Gott der HErr/ (welchem wir lob und danck in ewigkeit darumben sagen) wider das wüten und toben deß Tyrannen/ (der uns alle mit ainander gern inn ainem augenblick/wo er nun kündte/außrotten unnd zunichten machen wolte) biß anhero so wunderbarlich bewatet und beschützet hat/vnnd mit seinen gnaden noch

erhalten

(fi fi be se

gn cfffolla na

fanta hofft schen efalthen/ maieren

:her= nen/ aine auß nd8/

åthe lbige £ 1128

nden uints Err/

nben nen/ gen= hten

ena= noch ilten

erhalten thut / Db schon der Hörkog von Alba/ fampt allen seinen Spanniarten und Italianern/ (welche doch in der warheit nicht so fast zu fürchten sind/als grausam sie sich vber die vberwundene vit benotigte erzaigen) alle seine macht vnd gewalt auff

Holland gewendet hat.

Bnd da die von Amsterdam / welche der einnemung Spannischen Kriegkuoleks/sich allezeit gegen dem Hörkogen von Alba (gleichwol mit abkauffung ainer namhafften summa gelts) gewais gert/der beschwerniß der Steur deß zehenden pfennings/sich am maisten beklagt / auch wider die execution mit der that sich entgegen gestelt / vnd in jrem fürnemen (darzu sie die andern Stende auch bewegt haben)bestendig gepliben weren/vnd mit einlassung der Feindingr Batterland sich nit verfüren hetten lassen/sondern getrewe hilff vnnd benstand gethon/ Warlich der Hörkog von Alba würde Holland mit seinem Kriegsuolek anzufallen vn zubesuchen/ tvol gescheucht vnd sich anderst bedacht haben.

Hetten auch gleichermassen die von Mittelburg bißhero sich nit lassen betriegen/vnnd mit falschem fürgeben/vom Hörkogen vnnd seinem anhang/nit in das Netzbringen lassen/er solte gewißlich von allen seinen Spanniarten / nit ainen auß dem Land

Walckhern lebendig gebracht haben.

Weren

Weren auch etliche Gubernatores / Herren/ Edle und Unedle/ben irem vorhaben und dusagen/ Dessen sie sich vor dem gemainen Mann öffentlich hören und vernemen haben lassen (umb andere auch deß Hörkogen Regiment zum widerstand uffzubringen) bestendiglich verharret/Es würde gewiß- lich unud fürwar dem Hörkogen sein böses fürnes men un hochmut/in vil weg verkürtzet sein worden.

Dann wo her und von wannen hat doch er von Alba/all sein macht und gewalt / darauff er sich so gank trukig verlasst/anderst als von euch/vnd von den Stetten diser Niderlande Bon wannen hat er alle notturst von Schissen/ und der selben zugehörige rüstungens von wannen das Gelt un Wassen/ ia von wannen sommen ime so vil großer hausken Kriegkuolcks / dann eben auß den Niderlanden selbere

Ist das nit wol zubeklagen/vnd billich zuerbarmen/das diß arme Land mit seinem aignen gut vnd blut/ainem frembden Enrannen benselt/vnd dardurch inn ain schendtliche / ewige Geruitet vnnd Dienstbarkeit/von frembden Nationen gebrache würdet/Ja seine aigene Landsassen vnd Inwohner ermordet/vnd außtilgete

Wie ist doch das arme Niderland so sehr auß seiner art verkert vnud Bastardiert worden/woist

das Edle

00

Di

ru

De

W

on

be

eii

ru

ge Span set de the do sei

ai

W

La

le

विकित्य

rrent agen/ itlich auch ffauwiß. irnes rden. roon ich fo nod ( at er icho. ffen/ uffen nden

bartond daronnd ache huer

auß 10 ist Edle

das Edle gemüt unserer Vorfahren hinkommen/ die niemaln kainer frembden Nation ainige Regierung diser Land/ja auch kain Ampts oder Stands verwaltung zulassen noch gestatten haben wöllen/ welches sie auch mit allem fleiß/vnd sonderer mühe vnnd arbeit/stets/biß erst auff wenige Jar her/also beharelich unterhalten haben/ Dann allezeit durch einwurklung frembder Nationen inn die Regies rung / diser Lande untergang unnd verderben/sorg getragen worden ift. Wie dann jeto (Gott onferm Herren sepe es geklagt) klerlich erscheinet / Das auß deß Hörtzogen von Alba Regierung/Feinds schafft mit den ombligenden Königreichen/ond ans dern benachbarten Landen / verderbung der Hand. thierung/vnd niderlag der Handwercker (darben dann dife Miderland und deren Reichtumb vor difem bestehen bliben) eruolgt ist/ vnnd letlich durch außjagung/vertilgung vnnd ermordung der Innwohner (one ainiche betrachtung der wolfart difer Land / noch des Kunigs) die Handthierungen inn frembde hand und Land getriben worden sind.

Dessen aber vnangesehen/liebe Mitbrüder/wollen wir diß setzo fürüber gehen lassen/vnnd euch mit setziger gelegenheit der sachen zuerkennen geben/wie Gott der Herr sein hand vber vns helt / vnd vnsern Feinden nit zum Raub / noch vor inen zuschanden werden lest.

Warumb fasst ir dann nit auch ain Mannlich herts/vnd starcken vnerschrocknen mut/vn helft mit ons ond zu gleicher hand diß vurechtfertig ond onträglich Joch/von vnser aller helsen/ainest gentzlich ond inn gemain abzuwerffen / Bnd bedenckent/das alldieweil der Hörkog von Alba (da wir gegen ainander auffgestanden vnd emporet gewesen/vnd ime der maiste thail diser Land bengestanden ist ) so wes nig außrichten hat kinden/Was er doch thon werde mögen/wann wir vns ainhelliglich onter dem wiffentlichen gehorfam der Kuniglichen Maie, vnfers gnedigsten Herrn/verhalten/vnd dife frembde herre schende Egrannen und Regierer/auß disen Landen verjagen/vnd vnfere alte Recht vn Privilegien mit allem ernst/samptlich beschirmen / vnd denselbigen vorsehen thon. Ind angesehen das er von Alba diß Flaine Ländle von Holland/mit ainem thail von Seeland/in so langer zeit/vn mit allem dem gewalt den er auß Italia/Spannia/Teutschland/Franck reich/vn auß disen Niderlanden zusamen gesamlet hat/nit onter sich bringen kinden/ Wieuil weniger wirder verrichten mögen/wann Braband/Flandern / Geldern/Frießland/Oberwissel / Arthons/ Hennegaw/Lukenburg/vn andere Prouincien der Miderland / oder ain thail derselben / sich zu Holland und Seeland begeben / vnnd ime sampelichen Fürwar widerstand theten.

ge

De

tes

au

re

fa

au

Pin

ne

ge

se!

he

w

Da

De

de

br

m

Ín

nlich tmit one Blich /das aine dime ) mes verde. wife nfers herr= inden nmit biaen a diß [ von walt rance amlet niger flanjons/ en der Solo ichen rwar

Fårwar wir zweifelen gar nicht/wir wolten der gestalt(zuworderst mit Gottes gnedigem benstand) der sachen bald ein end machen/ vnd vnfer vertrucktes Batterland/widerumb in seinen alten Stand/ auffgemen vnnd wolfart bringen. Dann wojrs recht bedenckend/vnd so jr ewer hilff zuruck halten/ ja wann ir auch nimmermehr ain schwert wider ine außziehen wolten / was folte er auch außrichten kinden/Demnaches offenbar gnugist/das alle seis ne sachen anderst nichts sind / dann ain außwendis ger/eiteler vnnd hoffertiger glant / darmit er sich förchten ma bt/vnd mit falschen erdichten Practis cen/jamit subtilitet seiner Instrument vnnd Mithelffer / die sachen so weit bringt / das er eweren gewalt inn seine hande bekombt / mit welchem er als Dann seinen mutwillen vnnd Enrannen/auch wi-Der ewern willen (vnnd wie wir nicht zweiffeln) wider beuelch vnnd mainung vnsers Kunigs / vole bringt.

Tr werdts ja noch in frischer gedechtnuß haben/welcher gestalt er im verschienen Monat Augusti/inn der zusammen kunfft aller Stende /euch allen samptlich fürgehalten hat / wie das die Künigliche Maie.auß Spannia/zu der letzten vnnd eussersten hilff/zehenmal hundert tausent gulden / shme zugenacht habe / vnnd das er also bald 32. Regiment

Teutscher Anecht/ 50. Fendlen Spanniart/ 150. Fendlen Walonen und Niderlender/und vber solches noch 10. tausent Teutsche Reuter/und 3000. Pserdt von den Benden / vnnd dann 2000. leichte Pserdt / vnnd auch ainen großen haussen Kriegssschiff/one die ordenliche besatzungen Insamen bringen wolte. Sich selber stolislich vermessende/vnnd euch auch zusagende / alle seine Feind innerhalb 6. Wochen / oder duch dum aller lengsten inn dwaien Monaten/auß allen disen Niderlanden vertreiben wolte/Ullain an euch begerende nachdencken zuhaben/wie das gelt (solches Kriegswolck darmit zubedalen) auffzubringen sene/ausst das es euch nit auff dem halß ligen bleibe / vn das ganze Land in grund außessen und verzerten.

Darauff dann der Duca de Medina Cœly, so zu seiner lincken hand saß / euch auch zugesagt/das er für sein person nit nachlassen/sondern dem Hörkosgen von Alba/mit leib vnd gut/biß auff das eussersste benstehen wolte / damit das jenig / was euch zus

gesagt worden/gehalten werde.

Nun lassen wiraber euch selbs Richter sein/ob auch der Hörtzog von Alba solches im minsten volbracht habe. Wir lassen geschehen / das er ain solche anzal Kriegkuolek ben weitem nie habe zusamen bringen kinden/ond ir aber öffentlich secht/das nit allein 150. rsol=

ooo.

iegs.

unnd

vaien eiben

juha=

t auff

rund

, so du las er drko=

usser=

की है।।=

in/ob
n vol=
solche

amen

18 nit

allein die sechs wochen/sondern auch die zwen Monat fürüber sind / sa das allberait das zwaiet Jar verhanden/vnd er eben so weit von seiner rechnung/als er ansangs gewest ist.

Auß welchem man gründlich vnd wol abnemen kan/das er anderst nichts sucht/dann mit einem falschen fürgeben vnnd listigem bereden/euch das gelt abzutragen/vnd den Krieg also in die harr zu-

nerlengern.
Und doch gleichwoln/dem Künig hiezwischen die sachen vil anderst/als sie an inen selbs sind/zuuerstehen/vnnd irer Maie. vrsach gibt/solchen sehz

schedlichen Krieg/wider seine aigene Unterthonen/ one alle not / mit grossem vnnd schwerem kosten zu-

füren.

Welches er empfacht vnnd zu seinen handen bringt/
faines wegs inn bezalung seines Kriegkuolcks
braucht noch anlegt/In ansehung dz er den Spanniarten ober die acht ond zwainkig / ond den Zeutschen Knechten ober die drenkehen onnd vierkehen
Monat besoldung schuldig ond hinderstellig gebliben ist / Und er nit gar vergebenlich onnd omb sonst
den Stenden sürgetragen hat/das er ober die obgemelte zehen hundert tausent gusden / fortan kaines
gelts mehr vom Künig auß Spannia zugewarten
habe.

Demnach vnnd dieweiler nun setzunder sicht/das ime aller trost vnd hilff von andern orten mangelt/so nimpt er sein eusserste zuslucht zu Ewern Liebden/die er eben darumben zusamen hat machen versamlen/vnnd euch vber alle vnzalbare vnnd vnsträgliche vnkosten (darmit er dise Land bis anhero beschwerdt/vnd bis auff die Bain/jabis auff das Marck der gebain außgesogen hat) noch mit zwainstig mal hundert tausent gulden särlich zubelästigen.

Aber liebe Mitbrüder/secht wol zu/vnd betrachstend mit guter fürsichtigkeit/was euch zuthon sene/vnd gedenckt nun nit anderst / dann das die Künigslich Maie. vn Rath von Spannien/oder zum minssten irer Maie. Erben vnd Nachkommen/mit vnnd zu seiner zeit/diser ganzen sach warhafften bericht/vnd gute rechnung erfordern/vnd sich nit allein mit den geplendten vnd falschen anzaigen/die sie bisher von dem Hörtzogen von Alba vnnd seinem anhang gehabt haben/ersettigen vn beniegen lassen werden.

Und so sich als dann um der warheit befinden wirdet/das durch disen Krieg/vnd allein auß aigenem, des Hörkogen von Alba mutwillen (vber den mercklichen großen vnkosten/welcher mit deß Künnigs vnnd diser Lande verlag/vngezweiselt ob den zwainzig Million anlausstelle Land noch inn sola

chen pn

Bu Bu Bu Bu Bu Bu

3000

icht/ nans pern chen ond ( hero Das aine ditio ach= sene/ nigo ninnnd dit/ mit äher ana den. iden iges den Rű. den sola 8

bns

chen onwiderbringlichen schaden onnd verlust / an Volck/Stetten/Dorffern/vnd Flecken(irer Maie. zugehörig) gebracht worden sind/Sohabtir ja gar nit zu zweifeln/das solches der Kuniglichen Maie. du hochsten vngnaden vnnd beschwernuß gelangen wird/auch zweifels one/ir Maie, difen groffen schaden und verderbnuß seiner Erblande/sich an denens fo zu folchem hilff und benstand gethon/ unnd disem obel zugesehen haben / widerumb erholen wöllen. So ihr dann hierüber noch fortfaren/vnnd disem Spannischen Enrannen/wider ewer aigen Vaterland und Landfaffen/mit Gelt und andern dergleis chen mitlen hilff und benstand laisten würden/ So muß auß disen drenen notwendig das aine eruolgen / das gintweders difer jammerliche Kriegnoch ain zeitlang sich erstrecken/oder aber Gott der Herr ons die oberhand ober onsere Feind verleihen wird/ oder aber sie letzlich die Victory vber vns alle befommen werden.

Nun ist es gewiß / das inn allen disen dreven Puncten / das endliche vnnd ganze verderben diser

Lande/auß not vor augen stehet.

Dann erstlich/im fall das diser Kriegnoch ein zeitlang also verharren thut/Somust ir bedencken/das in wehrung dises grimmigen Kriegs/die ganke Narung genklichen vergehet/alle Handthierung darnider Darnider ligt / vnnd die Handwercker aufshören/ Dardurch als dann dise ganke Land also erarmen vnd verderben werden/ das one zweissel grosse hungers not/ vnnd vnerschwingliche theurung darauss eruolgen muß/ Auß welchem dann anderst nichts als aufsrhuren/empörungen/schwere kranckheiten vnd Pestilenk/zuendtlicher verwüstung diser Lande/zugewarten ist.

Unnd werden hiezwischen auch Holland vnnd Secland / sampt allen vmbligenden Landen / vom Kriegkuolck außgezört vnnd inn grund verderbt/Dardurch Braband noch Flandern / weder Buteter noch Keeß / noch andere gewonliche Prouiant/auch kain Salk mehr bekommen werden kinden. Welche gemelte Land/wañ sie ires thails von Keitzter vnd Knechten außgezört sind/in eussersten jammer vnd elend/notwendiglich fallen mussen.

Und vber solches wir vns auch allerlen plunderung vnnd beraubung / ja auch abprännung der Stett/Dörffer/vnd Flecken (irer Maie. zugehörig) zubefahren haben / dieweil difer inhaimische Krieg

solches alles mit sich bringt.

Und das noch das aller ergste / ist größlich zubesorgen/das in wehrendem disem Krieg/die Deich durch Wasserstram und Ungewitter/inn Seeland oder Holland/einbrechen möchten / oder aber solche von ren/ men huns cauff ichts eiten Lans

onnd vom erbt/ Butiant/ iden. Reit-

lünz der
drig)
drieg

iama

h zudeich land olche von won ainem der baider thail auß verzweifelung (das mit kain thail in seiner Feinde hand komme) durchgestossen werden / Welches alles (neben dem jammerlichen tod souiler tausent tausent menschen und
Vieh) nichts anders dann ainen ewigen und unwiderbringlichen untergang der selben Lande/zu nachthail und schaden der Küniglichen Maie. und allen
derselben nachkommen/mit sich bringen kan.

Zum andern / so vnd wann wir (durch Gottes willen) die oberhand vnnd Victoriam vber vnsere Feind bekommen solten / So würde doch dasselbige one sämmerlichen mord / vnd vertilgung ainer vnsalbaren summa der guten Innwohner diser Lande / derer sich der Hörkog von Alba zu seinen dienssen gebraucht/nicht geschehen kinden. Dann man dessen wol gewiß ist / so lang diser Eprann Gelt vnd Volck bekommen kan/das er vns nit ausseten/ sondern vns gant vnd gar außzurotten/alle mügliche mittel suchen wird/vnnder also one groß blut vergiessen nimmermehr vntergetruckt wirdt kinden werden.

Ond dann zum dritten/Im fall das aber er vnfer mechtig würde (welches Got der Herr durch sein Barmherzigkeit verhüten wölle) so habt ir nichts gewissers/dann ain ewige und schandtliche Dienstbarkeit zugewarten. Inn bedenckung/das er euch alle

alle samptlich / vnd alle Stett ( von wegen waigerung des zehenden pfennings)für Rebell ond widerspennige halten wird/Beforab dieweil er jetso vnnd allberait (de eben auß der selben vrsach her / difer setige lette Krieg entsprungen sene) für wenden thut/ ond wird euch nit besser/als ob ir euch öffentlich mit waffen vnnd gewerter hand wider ine gesetzt betten/ tractieren/auch mit Schwert und Jewer/nit wenis ger als vns/verfolgen/Wiewol wir vnfers thails/ (mit benstand Göttlicher hilff) der hoffnung senen/ das er vns nit souil/als er etwa vermainen mechte/ abgewinnen solle / Dann wir sind endlich vnnd ais gentlich dahin bedacht und entschlossen / vil ehe und lieber vns biß auff den letten Man zu wehren/vnd zuwagen / dann das wir vns vnter aines solchen frembden/ vnd gank vbermütigen Tyrannen hand ond gewalt ergeben wöllen.

Auß disem allem/geliebte Mitbrüder/nun klarlich erscheinet/gründlich vn wol abzunemen ist/das so vnd wan ir ime zu disem Krieg/noch lengern benstand/hilff/vnd fürschub mit gelt vnd anderm thon werden/vnd ine in seinem fürnemen nit verhindert/ vnd öffentlichen widerstand thon helft/ Das vnser armes vnd betrübtes Vaterland/seinem eussersten verderben/verwüsten/vn endlichem vntergang/vnmüglichen vn kaines wegs empfliehen wird kinden.

Damit

liger oideronno fer ico thut/ 6 mit tten/ veni= alls/ enen/ echte/ id ais enno / bnd lcben band

flårs
/das
/bens
thon
dert/
onser
rsten
3/vns
iden.
amit

Damit und aber bifes Horkogen von Alba gemåt/will/vnnd vorhaben (wie er mit des Runigs/ vnsers genedigften Herren Landen / vnnd vns/irer Maie. Unterthonen/zuhandlen gesinnet sene) desto besser verstanden werde/Sonembt für euch/vnnd behertziget mit allem fleiß/vnd wol/was er vns inn feinem Perdon brieff/mit außgetruckten/runden/ und flaren worten trowet / Nemlichen / das / fo und wann wir vins onter feinen gehorfam nit begeben/ wolle er diß gange Land also vnnd dermassen verwüsten vnnd verderben / das auch faine Reliquien bleiben follen / Bund was zu ainicher gedächtnuß oder memori vbergeplibens sich hernacher befinden würde/das wölle er genklich/ja mit der wurkel außreitten lassen/ja diß Land (souer anderst was daran vberigs bleiben werde) wölle er frembden Nationen ontergeben und unterwirffig machen/2e.

Hierauff fragen wir euch/wenn nun solches geschehen solte (daruor vns der Allmechtige Gott bewaren wölle) wer würde anderst dann ihr allein die schuld haben/Als die ihr zu solchem verderblischen mutwillen/dem gentzlichen vntergang ewers aignen Batterlands/mit Gelt/mit Bolck/mit Schiffen/mit Munition/vnnd mit Prouiant/solange zeit hilff vnd benstand gethon habt/vnd noch

benstehen thut.

Wie

Wie werdet ir folches mit der zeit gegen der Runiglichen Maie, oder zum minsten gegen grer Maie. nachkommen verantworten oder vertheidigen kinden / Oder vermaint ir / vnd das euch der Hortsog von Alba zun zeiten ain plat Papir/mit des Kunigs namen vnterschriben/fürzaigt vnd sehen lest/ darauff er/was ihme gelust vnnd geliebt / schreiben mag/vnd euch zuuerstehen gibt/das die felben Brief erst also frischen auß Spannia kommen senen/das ir damit deß Runigs oder seiner Nachkommen/bil licher ungnad vn rach entgehen werdete Nain warlich / Dann ob ir schon deß Kunigs Brief, mit seiner felbs aignen hand vnter schriben/sehet/ vnd das die selben von irer Maie. kommen senen/genugsam vergwiset seit/ Noch dannocht/dieweil euch wol bewust ist/das ir Maie. mit grund und warheit nit bericht ift/ vnnd von gelegenheit gegenwertiger fachen difer Land anderst nicht waisst / dann wie je Maie. vom Hörkogen von Alba / vund seinen zugethonen bericht wird / So werdet jr in ewige zelt vnnd nimmermehr verantworten kinden/das ir deß Kunigs beste Erbland / vnnd seine getrewe Unterthone / so sammerlich verhoren vnnd zu grund gehen sasse/ Dieweil ir als geschworne Scende der Land schuls dig feit / die felbige inn getrewem beuefch zuhaben/ Und den Runig selber (der euch die Land zubeschus Ben ond

Ru. Raie. 1 fine risoa Ru. lesst/ ciben Brief /das 1/bils mare it seto das gfans of bee it bes rchen Raie. onen nimo nigs e/10 lastt/ dul iben/ schuond

ken vnd beschirmen / vnd inn allen iren Privilegien du handhaben geschworen hat) der sachen gelegensheit mit besserm grund zuberichten / verpflicht seit.

Im fall aber ir solches nit thut/vnd der Küniglichen Maie. oder irer Maie. nachkommen/straff
zuentgehen vermainen möchtet / So werdt ir aber
doch in der ewigkeit/die aller höchste straff deß Ullmechtigen Gottes / vnnd Künigs aller Künigen/
warlich vnd gewißlich nit empfliehen mögen Dieweil Gott der Herr euch als beschüßer vnd beschirmer ewers Vatterlands/gestellt vnd geordnet hat/
Welches euch nun auff sürohin vmb hilff vnd schuße
mit großem seusstzen/vnd geschran alles volcks anrüffen thut. Dann ir seit/in abwesen deß Künigs/
die senigen / die irer Maie. ort vnnd statt vertretten
sollend/vnnd kain Gubernator oder Statihalter/
(one ewern willen vnnd bewilligung) ainen solchen
Krieg zusüren vermag.

Und dieweil euch dann der Künig auch geschworen hat / das er kainen Krieg wider frembde (one ewern consens) füren wölle / Wieuil weniger solte dann ain frembder vnnd außländischer / der weder dem Künig noch disen Landen / mit dem aller minssen nichts verwandt ist (vnter dem schein aines Statthalters der Küniglichen Maie.) ainen solchen vberschedlichen Krieg/wider irer Maie. aigene

Unterthonen/

Unterthonen/zufüren/ sich onterstehen/ond die fele bige mit fewer/schwert/vnd hungers zwang (wie er ons dann mit hellen klaren worten trowet) nach seinem stolken hochmut vnnd Eprannischem mutwillen/zuuerderben/Innd solches zuwolbringen/ sobegert vnnd erfordert er jego von euch dise zwen Million färlich zuerlegen/ Bund stehen also die sas chen jest in ewern handen vnd willen / vnd so ir ime hierinnen willfaren / vnnd seine hochbrechtige wort onnd betrawungen förchten / werden ir onzweifenlich in kurtzer zeit diß ganke Land inn ain ewige feruitut/ja inn ein jammerliche/ vnd zuuor nie erhorte

verwüstung seken und bringen.

Als dann wird man euch vor Gott vnnd allen Menschen anklagen und beschuldigen / als die senie gen (so doch difen Landen vorstehen / vnd das arme Polek beschützen vnnd beschirmen solten ) die disem wütenden Enrannen/zu seiner vnersettlichen Ens rannen fort helfft / vnnd ime zu allem dem jammer / elend / vnnd euffersten armut (darein vil Witwen ond Waisen/auch wolbetagte alte Våter / ond ain grosse anzal vnschuldiger Kindlein gefürt werden) benstand ihut. Welche aber mit ihrem weheklagen ond heulen / gewißlich für Gottes Angesicht rach ober euch schrenen/vnnd auch alle verfluchungen ond vermaledenungen von ons onnd ewern Nache

fid v 自動dでte

el

vie fels vie er nach mutigen/ zwen ie fas r ime

tvort ifene e fere horte

illen
ienis
irme
isem
isem
ien/
wen
ien)
igen
igen
igen
ach

nch

kommen vber euch eruolgen/ja zu ewigen zeiten die vnseelige stund vnd tag verstuchen werden/darinnen diser Spannische Tyrann/seinen ersten suß/
(vmb vns vnd sie alle zusamen inn ain solche sammerliche vnd schendtliche dienstbarkeit zubringen)
in dise Lande gesetzt hat.

Wöllen geschweigen der vnehte/spott und schande / die ihr ben frembden Kunigen/Fürsten/Potentaten/Stetten/ja aller Nationen Bolckern auff euch laden werdet/die jr ewer Autoritet vnd macht/ so euch Gott vnd das Landrecht gegeben hat/ wider disen Spannischen Enrannen (zu beschirmung und erhaltung ewers Vatterlands / vnd zu beschüs kung irer Frenheit vnd Privilegien) mit den wercken und der that niemaln erzaigen habt dörffen / ja dieselbige im widerspil mißbraucht/vnd ewer aigen Volck (welches jr inn seinen Landrechten/Frenheis ten und Privilegien / beschützt unnd beschirmet solten haben) vnter ain vnwiderbringliches Joch/ elenden jammer/vnd ewige Dienstbarkeit fürt vnd bringt / Welches schwachen vnnd klainmütigen Herken viel schwerer als der bitter todt selbs sein wirdet.

So vnd wann st aber disem Enrannen sein vnbilliche förderung nit allein abschlagt/sonder auch die sachen

fachen felber zu herhen nembt/ vnndewern Standi Namen/Ampt/ond Autoritet/nachewerm Aid on schuldiger pflicht/betrachtet / Ewer aigen Batterland in seinen Rechten/Frenheiten/vn Priuilegien vorsehet / vnnd an stat der zwen Million / die der Horkog von Alba (die Land zunerwüsten und zuuerderben) järlichen begert / Ir nur ainen/ja ainen halben Million für ain mal (das Batterland zubewaren/vnd die frembden Enrannen darauß zuuer. treiben/ das Land widerumb inn guten friden vnnd ainigkeit/vnd zu iren alten auffnemen / vermogen/ vnnd wolfart zubringen) anlegen wolt / Werdet it Gott dem Allmechtigen / der Küniglichen Maie. ond ewerm beengstigten Batterland/warlich (mit ewiger vnnd zeitlicher belohnung) hohen/grossen/ angenemen und schuldigen dienst erzaigen unnd beweisen. Euch auch selber ben frembden Potentaten und Herren/jaben allen Bolckern/ainen loblichen ond herelichen Namen machen/Die ir als gute getrewe Bater deß Batterlands/difen gegenwertigen fammer und elend abgewendet / den Krieg gestillet/ den friden widerumb gebracht/ die gefallne narung vnnd handthierung auffgericht/alle Handwercker widerumb herein geholet/ den Reichthumb vnd alle tvolfart widerumb Procuriert habend / Mit difer ongezweiffelten vergwissung / Das / so vnnt wann Ewere

gi

w

be

rt

ni

ф

60

fü

bial

R

gl

w

R

be

re

fei

B

किया व

and/ idon itter= eaicn e der Daus linen subce uucre dung jaen/ detie Naie. (mit Men/ D betaten ichen te geo tigen illet/ runa refer dalle difer nann were

Ewere Liebden hierzu verhelffen / alle andere bes schwärden/so inn disen Landen eingerissen sind/mit gutem gemainem rath / nach altem herkommen/leichtlichen widerumb abgelegt kinden werden/Bie wir dann als getrewe Nachbaurn vnd Mitbrüder/von rechts vnnd aller billigkeit wegen / zu befürderung des gemainen nußes/ehr vnnd dienst der Rüsniglichen Maie. in allen billichen vnd redlichen sachen/vns zusamen halten sollen.

Und werdet ir im grund vand mit der warheit besinden/das es alles salsche vad erdichte lüginnen sind/die vas vasere gemaine Feind (vas von euch/vad euch von vas dardurch abzusondern) zulegen/als weren wir wie Rebellen von dem gehorsam der Königlichen Maie, vad auch von dem Christlichen

glauben abgewichen.

Dann wir haben nie nichts anders (als onser wissentliche Frenheit/vnd Landrecht/die vns onser Künig gegen allen frembden Tyrannen zuhandhaben geschworen hat/vnd wie die von onsern Vorsaren auff vns kommen sind/vnd dann onsere gewissen nach Gottes beuelch zu Regulieren) gesucht/Vnser vertrawen auff Gott vnnd seinen Son Zessum Christum stellende/vnnd shme nach vnserm schwachen vermögen zudienen vns besteissende/Gegen der Oberkeit in aller Reuerenh vnd Ehrersbietung

bietung/nach dem beuelch Gottes / vns verhaltens de/derfelbigen allen schuldigen gehorsam laistende/ vnd vnserm nechsten in allem das vns müglich ist/ dienende/Welches ir auch selber (wie wir vns dann gegen euch genugsam versehen) bekennen werd/ vnd wann man die sachen mit der warheit examinieren/ wird man fagen und vrthailen muffen/das wir wider alle falsche beschuldigung/ben onpartenschen Richtern gehört und bestehen werden mögen. Ind würde fürwar wider die natur vn alle aigenschafft deren von Holland sein / das / da sie sich vergriffen und mißhandlet hetten / ir miffethat nit bekennen/ ond daruon inn aller onterthenigkeit gnad begeren solten wöllene Dann man hat vne nie also obstinat oder hartnäckig in vnferm fürnemen oder fürbringen/erfaren noch befunden/ sondern in allen sachen darinnen wir der Küniglichen Maie, haben kinden willfaren/vns leichtlichen haben bereden lassen.

Was Nation oder Prouinkist auch je gewest/ die in allen irer Maie. begeren/ ond hilsten / gutwilliger gewest ist / dann eben wir die von Holland / ja vns offtermalen so gar milt vnnd gutwillig erzaigt ond verhalten/das wir ben den andern Prouincien mit vnserm gutwilligen Exempel/vnwillen verdienet haben. Welche Unterthonen haben auch inn allen vergangnen Kriegen (irem Stand nach) mehr

trewe

Itens ende/ b ist/ bann /pnd ieren/ ir mis schen Und chaffe riffen nnen/ geren stinat rbrin= achen inden en. ewest/ utwilnd/ja rzaigt incien erdies ch inn mehr treme

treweerzaigt / dann wir die Hollender / wie dann euch vnnd meniglich wol bewist ist / Also das wir / mit der warheit kainer ungehorsamen / Rebellion / oder untrewe beschuldigt kinden oder möge werden.

Ben dem Hörkogen von Alba aber/ vnd seinem Blutrath/werden alle ordnungen der lusticia vmbgekert/alle Oberkeiten/Richter/Amptsleut/ vnnd
Rathsherren verachtet vnd verschmehet/vnnd alle
sachen nach irem mutwillen gehandlet / dessen sich
auch die gutherzige vnd fromme zum offtermaln be
klagt/ vnd solchen sammer herzlich vnd inniglich be

wainet haben.

Hierauff vnnd derosvegen/ermanen wir euch schließlich / liebe Herrn vnnd Mitbrüder/
der ja die sachen mit allem und ganhem ernst erwegen/alle klainmütigkeit und Beibische schwachheit
von euch werffen / einen Mannlichen mutt an euch
nemen/vnnd mit ewern Mittbrüdern / und eigenem
flaisch und blutt / die hand anlegen wöllend / damit
unser armes untergedrucktes Batterland/ein mal
von diesem frembden ZRUNNEN erlöset
und entlediget werde / seinem alten rechten herkommen unnd freiheiten nach / undter den gehorsam der
Röniglichen Man. unsers Genedigsten Herrn/und
den gewinschten frieden / ruhe / und einigkait / unnd
in ir

in tralte blå und wolfart / gebracht moge werden.

Darzu zweiseln wir nicht / das Gott der Herr euch vnd vns allen/sein almechtige hilff/ vnd handraichung / zu mehrung seines Reichs vnnd Glorn/ verleihen vnd mitteilen werde.

Gott onser Herr nemeench in seinen Seiligen Schutz/ Geschrieben zu Delste den 12. Septem-

bris/Anno 1573.

## Unterschrieben

Ewere gutwillige Freund vnd Mitt Brüder / die Ritterschafft/Edlen / vnd Stende von Holland / von wege der Stende desselben Lands.

EUROLO GRA SANTY

Auf dem 85. Dfalm.

24 das ich hören solt / das Gott der BERR redet / Ons er Friede zusagte seinem Volck und seinen Beiligen / Auff das sie nit auff eine torheit geraten. Doch ist sa seine hilf nahe / denen/ die in surchen / Das in unserm Lande ehre wone. Das Gute unnd Trewe einander begegen/ Gerechtigkeit und Fride sich kuffen/26.

verden. er Herr dhand. Glory/ deiligen septemnd ond Ritter-Stende legë der nds. 1/200 ex bas sie nit benen/ bie bute vnnd dffen/2c.